

重修彭澤縣志序

聞之作史莫難於志

蓋自星野

災祥山川疆域人物藝文以及

學校農桑諸政務莫不考據詳

明折衷至當使後之人觀其志

者一開卷而瞭如指掌煥若列

星斯志之善者也彭邑之有志

舊矣其近者則我

朝王吳二君之志最著但王志詳於星野災祥山川疆域人物藝文他如學校農桑諸政務猶缺焉至吳君爲之拾遺補漏而志之體例乃備然吳志成於乾隆二十一年迄今六十有餘載凡

事之今昔異形盛衰異勢者多矣苟非及今修之豈不荒遠而難稽也哉戊寅春余宰茲邑不揣固陋以修志爲己任爰諏諸紳士徧加採訪設局纂修雖事有增芟文有繁簡而矢公矢慎不倚不偏要期於考据詳明折

黃澤縣志
二
衷至當而後已自戊寅九月開
修至己卯臘月蕝事凡若干卷
志既成壽諸梓邑紳士請序於
余余以志之成也其纂修採訪
則諸君之功其貲費則余第捐
廉以倡而踴躍輸捐皆出自閭
邑士民余又何序焉既而思之

彭邑固陶靖節公狄文惠公趙
忠毅公之舊治也余不敏幸得
附名於諸賢之後是書也且得
與王吳二君之志並垂不朽豈
非余之大幸也歟是爲序

嘉慶二十四年歲次己卯十月
勅授文林郎知彭澤縣事加十級紀

錄十次鴻城周巖撰



重修彭澤縣志叙

漢以彭澤名縣於江州五屬爲
最先其時兼有星子都昌湖口
東流之地幅員又最廣自唐以
後離析分置而隸於舊名者週
迴僅三百餘里不及古三分之
一蓋蕞爾邑也然其山由大浩

蛇蜒特出岡阜低昂峯巒競舉
綿延以至馬當之險塞小孤之
秀拔書巖玉洞之靈奇各鍾其
清淑之氣而大江環帶以內又
有方湖大泊之滄泐瀼溪新港
之清駛足以蕩滓穢而通絡脈
其民人占籍族居連櫛對宇咸

閱數千百年而不忍輕去其鄉
於是戶口日增土田益闢食貨
因俗而屢更典制與時而漸備
而碩德名儒通方致遠之士亦
先後相繩而不絕不有紀載後
將何徵有明成化以前志無可
攷自凌志出後再經修葺迨我

朝醲化覃敷文物尤盛前邑侯王君何君兩次增訂蔚為完本顧溯乾隆丙子迄今洙

膏澤而躋仁壽者又六十餘年屬九

江郡志工竣

周雅山明府爰集邑紳而重編之是役也 周侯以公允持其

衡劉東橋柯楚埜兩先生以老宿總其局而採訪故實纂輯羣言與一切經理校勘則諸君子各職其事而要其成 錦承乏豫章講席不得贊襄其後方以為媿乃復以前叙見委 錦因之有感矣夫山川名勝才知所由孕

也典章條教風俗所由齊也學校選舉事功所由起也忠孝節義家世所由顯也吾輩生靈秀之區承清芬之德幸際

重熙累洽之期所以陶冶羣倫登崇俊乂者至周極渥雖以錦之不斂亦得珥筆雍容出入於蓬山

芸閣之下而况稟賦之優問學之篤有大過於錦者乎易曰積善之家必有余慶詩曰無念爾祖聿修厥德觀斯志者可以奮然興矣

皆

嘉慶二十四年己卯冬十一月

賜進士出身

誥授中憲大夫國子監祭酒前 文

淵閣校理 武英殿纂修翰林

院侍讀侍講司經局洗馬右春

坊右中允翰林院編修庶吉士

山西廣西鄉試正考官會試同

考官邑人張錦枝謹叙



彭澤縣志分卷目錄

卷首

目錄 舊序 舊修姓氏 新修姓氏 凡例

繪圖

卷一

星野

卷二

方輿 沿革 疆域 古蹟附 形勝 山川 水利 風俗

卷三

建置 城垣 公署 倉廩 坊表 津梁 郵傳 鎮市 保甲 軍衛 兵防

卷四



食貨 戶口 田賦 起運 經費 雜稅 屯政
血典 養濟院 育嬰堂 積貯 物產均役
始末附

卷五

學校 學制 書籍 條規 學田 書院 考棚
冒考 冒捐 附

卷六

典禮 壇壝 至聖廟 廟祠 慶賀 賓興 鄉飲
講約 時制 服制

卷七

爵秩 封爵 縣丞 道會 雜職 營 陰陽學
醫學 僧會

卷八

選舉 甲舉 貢 辟薦 應例 武甲 武舉
武階 雜進 世職 封贈 蔭襲 鄉賓
耆壽 五代同堂 附

卷九

列傳 名循 邦賢 忠烈 孝義 篤行 儒林
文學 武功 隱逸

卷十

列女 孝 賢 貞 烈 節

卷十一

列女 新節 壽五代同堂 附

卷十二

藝文 書目 辭 傳 疏 記

卷十三

藝文 序 銘 議 書 啓 引 跋 始末
紀畧 誄 祭文 墓誌 賦

卷十四

藝文三 詩

卷十五

雜記

仙釋

方技

僑寓

宗祠

神寓

邱墓義

塚附 祥異

史事

軼事

說部

跋

三

彭澤縣志卷之首

舊序

舊序

明成化二十一年

修撰 曾

彭澤縣志

士君子立身天地間必有大本蘊於中然後有大用見諸
 行事可以建諸天地質諸鬼神載之簡冊而垂示無窮也
 姑蘇凌侯杞以雄才碩學來令彭澤三年政通人和暇以
 邑志弗完孜孜考索以補之粲然成書俾此邑事實百里
 而廣百世而遠觀者可一目盡侯亦可謂善用心者矣吾
 嘗以為令一邑則以一心而通一邑之人心守一郡則以
 一心而通一郡之人心宰天下則以一心而通天下之人
 心蓋其胷中大本已具而所以運籌定策設施措置凡見
 諸用者可以建天地質鬼神傳之永久蓋聖賢彌綸參贊

者端乃如此若夫山川之險彝土地之腴瘠人物之盛衰生齒之登耗風俗之淳漓政治之得失脫胷中有未了了則措於政事能無倒行逆施置生靈於鴻鴈嗷嗷之地耶此郡邑之志所以不可或無而吾夫子所以必水土之襲而痛杞宋之文獻不足徵也侯此編之舉意不在於此哉意在於此不謂之善用心可乎噫有大抱負者之作用自與俗殊也昔靖忠二公嘗先後治斯邑一以名節著一以治功顯其大本大用雖已播諸聲詩勒諸金石吾恐畫馬之筆不能盡其毛也於虜彭澤雖小邑也其江山增重望越他郡者孰謂非此英雄豪傑造化中來哉後之繼宰茲土者尙期無愧

舊序二

宏治十九年

知縣 王 琦

夫志所以紀一邑之事文獻所徵不可無也彭澤爲古名邑往往得人治之其故實前令凌君雖編輯鉅梓亦已久矣往者不能無畧來者不能無遺余自抵任來欲重錄而修葺之事冗未克近得太學友是邑陶堅待選於家遂相與詢故訪舊補畧拾遺以公去取斯爲全書用壽諸梓庶咸有所考証焉若以余爲能言文事而言之則失之矣

舊序三

萬曆十年

知府 戴鳳翔

夫志古國史也以紀與地食貨建設風俗秩官選舉恩命人物藝文之制貴詳而有體豈易言哉九江郡志兼載彭澤而未詳也迨稽邑志幾漫滅矣豈文獻之不足證亦吏

茲土者之非其人爾判府葉君三攝邑篆銳意重修以妨
庶務未遑也適浙之戴君震亨來署學諭博洽有史才乃
馳幣往告毅然允之三閱月而纂成執稿請叙余維彭澤
吳越要衝其先壽春地也山峻土沃俗尚文義儒風相續
民習經商婦事紡織舉葬不作佛事頗稱淳古余承明命
叨守是邦於戶田城垣地方急務綜理未逮竊有憂焉我
督府王公撫巡江右爰下令丈田審戶築砌城垣余以葉
君才可肩任屢爲區畫覬覦相成是以田土聿增二萬戶
口亦清審除報不差若夫城垣創制猶悉按彭澤舊治依
鳳凰山舊有土城久圯游寇亦或侵之嘉靖甲申縣令李
君孟燾蓋嘗董築亦僅因山纍石高不踰六尺而陡削不

能成堞四周不備以故盜賊公行虎豹亦時入市居民夜
竄守者莫覺萬歷初年縣令雷君時敏亦請翻砌增高而
措處靡當余知城垣空缺不測可虞復謀諸葉君務求盡
制缺者補之卑者高之傾者平之窄者闢之而猶增置窩
舖七所以備守望觀音山新造八十餘丈鳳凰山新造四
十餘丈且治馬道通行登城如履平地因山伐石鳩匠赴
工費省而功鉅屹然足爲保障而彭澤於是乎改觀矣豈
不誠江右要區哉余以是益知彭澤之不可無志也是志
也其例嚴其文雅要領舉而節目詳後之司牧者按志而
考之殆可以因勢注措起弊推移而於邑治何有

舊序四

萬歷十年

通判署縣事

葉朝榮

余已卯歲署彭澤令觀山川奇勝仰古哲流風有餘慕焉因索志稽故實莫能得緣邑舍遭回祿之變誌並煨燼徐博訪故老得殘簡觀之久廢弗續自宏治而下文獻莫考矧燼餘舊刻無傳余甚憫焉慨然欲修之莫有與者居無何揖新尹告去矣越二載辛巳復署邑事得學博戴君震亨有史才遂具幣請司其事仍白本府戴公鳳翔可之方具筆札俶載未具余又揖新尹告去矣諄諄託之弗遂越五旬壬午春正月尹忽弗祿余又奉命來攝竊思曰菲材不能領邑事重爲民病但得志成酬夙願矣遂與二公上下議論續次其事損益舊文潤色之越二月告成捐俸錢梓公私無所費昔孔子說夏商之禮而慨無徵彭古稱名

邑多豪傑名輩宦茲土者有殊絕偉人志廢則盛美弗傳弗彰惜哉噫廢必有興興必有待余三署邑而志成亦奇矣

舊序五

國朝康熙二十二年

知縣

王廷藩

我

皇朝龍興四十餘年道洽澤潤窮髮不毛靡弗稽顙來庭獻琛恐後車書一家幅員廣輪振古未有宜有職方之紀一統之志以風示寓內非獨爲太平之黼黻休明之鼓吹也抑將以攷山川之險易詢風氣之剛柔辨習俗之貞淫察戶口之登耗因而就深就淺以下上其治裒益其施馴擾調娛優柔饜沃自然而躋於平康正直之世焉耳然則

輶軒之使下採方輿會計之書上登中秘謂非今日之先務哉先是

天子用輔臣議 詔郡縣各修志以聞天下奉行而纂輯者什二三既而封狼用殄海波不揚蚌甲囊弓旋 詔促成而天下之承風者什六七今則省彙郡縣之志而爲通志部限程督憲檄交午天下之告成者什而八九矣彭澤始皇皇修輶凡閱三月而事乃竣何其後也蓋由彭而言則兵燹洊臻而文獻無徵也由藩而言則攝承日淺而政教未洽也彭邑前此嘗有志矣在明萬歷壬午距今百有餘年其間迭遭焚剽鏤板旣燼陳編亦湮窮搜密購乃獲一帙以爲張本及詢彼後事而故老無存動淹歲月神探

意索始與近事相承此則文獻之無徵有不容不後者也夫志也者寧獨定其區輿識其風土詳營建之興廢明秩序之崇替覈賦役以恤民艱述官師以仰循續紀選舉人物以徵靈秀所鍾錄藝文雜說以覘英華所洩云爾哉宰是邑者其敷政立教之迹將於是而可尋也藩自辛酉蒞彭二載於茲亟思所以治之一切民風欲爲草面洗心化滴爲淳惻惻焉獲戾是懼雖欲不後而不敢雖然凜章程而兢兢採輯辭休臥而汲汲纂修具有成書用告不敏則駑駘之後與騏驥之先均息轅休秣於家廡而已矣

舊序六 乾隆二十一年

知府 董 榕

九江五邑惟彭澤之名最古德化瑞昌湖口皆名自南唐

德安置自五代楊吳彭澤獨肇自前漢顏師古注班書所謂禹貢彭蠡在酉者是也雖其後分移不一其地較漢時爲小而門戶江右襟帶江左砥柱孤橫龍城四塞則地爲要地山竒水秀古蹟爲多夫地古者風淳況爲晉陶靖節唐狄文惠二賢過化之區嘗令人聞名神往者乎攷二賢行事一有所不爲一爲所當爲靖節自叙其爲令賦歸也曰是時向立年志意多所恥遂盡介然分終死歸田里又曰羲農去我久舉世少復真汲汲魯中叟彌縫使其淳是其志意所在固無時不思希古聖復古治且殷殷以舉世爲懷而況所蒞之一邑時雖暫也其卽以真淳爲治可知也文惠以古大臣風誼謫彭相傳有抗疏免租縱囚復還

二事皆世所難行而愛民之真克孚其上化民之淳且及於囚令人穆然如見上古之風焉嗣是以後官其地與生其地者名賢相望下及閨門閭巷節行多有可傳而文章爾雅蔚然與三吳競勝不有志乘何以徵文考獻顧自康熙癸亥王君廷藩修志後迄今七十餘載恭值

國家重熙累洽化隆往古山陬海澨文物光昭矧屬名勝之邦尤不可以因循缺畧余以謫陋忝守潯陽仰承各
大臺教令下諸五邑德化瑞昌諸志以次報竣時攝彭篆
梅川吳君毅然有作諮委邑紳士設局纂輯新調令平江
何君繼至虛懷敬事參互攷定尤於忠孝大節事關風化
者加意搜羅表章聿力自乙亥孟冬訖丙子季夏凡九閱

月而新志告成其義例照余所擬式而採擇編摩各極詳
 慎此一役也官無新舊久暫畏難紛擾之嫌士無水火炎
 涼爭競黨同之意何其真淳相與綽有古風也則世傳彭
 俗浮薄較四邑為難治者豈非耳食之譚歟夫治道當為
 之事不止於修志而志之所載當為之事萃焉人苟奉不
 為之搽建當為之績毋論吏此與居此者均以古賢為法
 俾真淳之風與奇山秀水輝映無窮將見治與俗益有交
 進於古之實而豈第名之云爾哉是為序

舊序七 乾隆二十一年

署縣 吳會川

志者志一邑之事將以垂法戒示激揚非徒誇博洽美觀
 聽已也蓋上志星野災祥下志山川疆域中志人物藝文

三才之道備焉凡講求吏治者思所以因天之時乘地之
 利本人之情由此興利除弊示儉示禮可相其緩急輕重
 而措施悉協也志之所關大矣哉彭澤為陶靖節先生舊
 治嗣是而狄文惠公趙忠毅公先後輝映貞風亮節三賢
 足千古矣 某 粵東下士於丙辰鄉薦後由長江北上過彭
 蠡登孤山仰慕遺徽穆然見山高水長茲奉憲委署斯邑
 意以事必師古乃可宜今刻取志書查閱僅得癸亥王君
 修本距今七十餘年未有續編其間民風士習沐

聖治之涵濡重熙累洽既蒸蒸而日上且學校典禮農田
 水利一切緊要事宜皆缺焉弗載余所為掩卷長嘆也郡
 憲董公以當代名儒來守是邦百廢具舉煥然維新尤以

志關政治加意訂修乃商諸紳士咸有同心因得見所見聞所聞爲之拾其遺補其漏務期攷據詳明不憚旁搜博採而去取增芟悉遵列憲鈞諭矢公矢慎無偏無徇必折衷至當俾可信可傳爰分門別類列爲總綱條爲細目共計若干卷凡夫上而星野災祥下而山川疆域中而人物藝文與夫學校農桑諸政務莫不洪纖畢具有存有倫庶幾法戒洞若激揚躍如一開卷而瞭然在目則茲志之有裨夏治實由郡憲諄切之至意而殫心力勉始終以贊勳厥成諸君之功當亦共垂不朽矣是爲序

舊序八

乾隆二十一年

知縣

何炳奎

志於邑事無不當載一隅之故實寰輿之廣大徵焉必也勿猥勿煩記注明而予奪公攬古者可以觀感爲治者有所取裁斯志之善者也我

國家繼繼繩繩百年化洽踐土食毛之衆莫不涵泳恩膏寸地尺天爭圖王會况彭邑肇自漢代世號名區財賦人民之所聚殖英賢流風之所漸被廣輪僅百餘里而控引池皖形勢稱雄抑亦江右山水靈秀所都會也余承乏茲邑延訪土風見其民習耕漁士敦儒雅大率崇氣誼以質行相矜尙蓋猶有陶靖節狄文惠趙忠毅之遺風班固氏有言可貴哉仁賢之化也至若地衝而瘠俗或雜以囂凌惟在良司牧起其弊而救其偏使蒼黎有賴攷古證今匪志曷顯邑舊有志前令臯城王君編輯於康熙癸亥攷訂

詳覈足備典故顧今七十年來曾無有踵而嗣修者生聚
蕃變日盛於一日幽光潛德年遠於一年淆雜莫攷漸遠
漸微文獻一無所屬後將焉徵今

天子撫馭寰區神周海甸各上憲宣猷布化整飭吏治皆
以修志爲急郡伯董公尤引爲已任章催旁午訓示備至
不以此時奉將德意率衆志以成盛舉吏茲土者曷其辭
戾先是署篆粵東吳君旣已奉文建議開局興修爰聘師
儒勤考覈籌貲費羣力畢效刻期歲事凡成志若干卷雖
然果足爲志之善者乎夫志通史體余風塵作吏詎擅三
長惟是網羅舊聞意存矜慎此衷與同事者共矢之書成
覆視竊幸斟酌予奪不濫不遺而首尾明備頗無缺畧之

憾若事增則文不容省卷帙之擴亦不得以煩猥病也若
此庶幾爲志之善者乎蓋未之逮也而竊有志焉耳矣

舊序九

乾隆二十一年

教諭

鄒

烜

南豐人

歲庚午予兄登賢書彭得五人焉壬申予謬叨鄉薦彭又
得五人焉因想陶靖節狄文惠先賢過化之地其流風餘
韻猶有存者故人文蔚起於今爲烈惜不得盤輿過訪履
其地覽其名勝與二三同志話心期肆觴咏憑今弔古殊
耿耿也比夏公車北上舟抵長江得識古彭澤地望其山
水竒特儼在縹緲翠微中時又以不得一登爲恨丙子秋
恭奉

簡命司鐸是邦甫下車得接都人士詩書禮樂之氣蔚然

炳然靈淑之萃信有鍾矣及觀城郭都市風謠土俗萬家
烟火百里絃歌心醉者久之急欲採輿圖以稽其勝而邑
之縉紳先生方從事編輯劄劄將竣因授簡於余并屬以
序余不敏未尸厥勞且商皇典則弁冕鴻裁郡憲董公言
之詳矣規例謹嚴綜核密緻梅州平江二邑侯又言之詳
矣予何序爲然塵埃下士附青雲而名益顯幸已余何敢
以不文辭因念韓子有云莫爲之前雖美弗彰莫爲之後
雖盛弗傳今試披覽遺文崇祀典者幾人入鄉賢者幾人
植綱常勒金石者又幾人炳炳麟麟都歟盛矣顧後之視
今亦由今之視昔大丈夫幸生盛明爲忠孝爲聖賢宜自
居何等使百世下俎豆而馨香之又居何等光竹帛銘鐘

鼎蘭臺虎觀大書特書一邑云乎哉志一邑云乎哉余盱
江末學職司教誨觀風景之不改樂人文之日新得步賢
士大夫後塵鼓勵振興共襄不朽之業是則予之厚幸也
夫是爲序

舊修姓氏

彭之有志亦屢經修輯矣然物換星移卷帙散軼迄今求文獻之有徵萬歷葉志

國朝之王志後惟丙子吳志更詳核可考也夫創立規模搜羅故實類費苦心忍使前人姓字湮沒不傳於後乎謹櫜舊帙臚列芳名以志竊比之意

明

萬歷拾年壬午纂修姓氏

知府戴鳳翔

通判署縣事葉朝榮

訓導署教諭事戴震亨

貢生何

髦

庠生計如愚

陶濟遇

何汝翼

馮之京 歐陽思 馮士觀 王演疇 馮士旂

國朝

康熙二十二年癸亥纂修姓氏

知府陳秉化 同知李作楫

知縣王廷藩 教諭潘若騰

訓導喻方穀 潘 瀚

貢生何圖書 周 瑞

生員王應昌 姚文涑 丁自發 凌善寶

王 掄

舉人周易元 張日進 洪岱齡

監生胡 海

乾隆二十一年丙子纂修姓氏

知府董 榕

署知縣吳會川 知縣何炳奎

進士何 顯 舉人王宗猷 凌汝綿 歐陽正亨

廩貢丁 春 歲貢饒 鞏 恩貢歐陽汝顯

舉人歐陽恭生員 歐陽賞 歐陽汝瑞 歐陽仁

周世業 丁 焯 丁 特 王 璽

候選州同高世俊 邑庠田興迪 舉人汪學烜

監貢周世永 邑庠王 安 洪 毅 歐陽輝

廩生周 鏡 高作霖 汪源棣 增生汪 熙

邑庠汪 樺 郡庠歐陽懋泗 邑庠黃紹元

何南庚 歐陽懋德 豐城縣廩生楊其謨

進士何 儻 歲貢張京萃 邑庠汪 蒸

童生馮 榮

修志姓氏

鑒定

欽命分巡廣饒九南兵備道督理九江關稅務兼管宦廠事 任蘭祐

欽命分巡廣饒九南兵備道督理九江關稅務兼管宦廠事 廣惠

九江府知府前翰林院編修 朱榮

九江府知府 馬寧

叅訂

九江府江防總捕同知 羅富明阿

九江府水利通判 達冲阿

掌修

彭澤縣知縣 周巖

協輯

彭澤縣儒學教諭 李震陽

彭澤縣儒學訓導 劉毓祺

彭澤縣儒學訓導 干朝樞

彭澤縣儒學訓導 舒業順

編纂

前任南安府南康縣儒學訓導壬子科解元 劉黻

候選儒學教諭恩貢生 柯翹

分纂

前任浙江奉化縣知縣拔貢生 劉種桃

揀選知縣丁卯科舉人 歐士玉

候選儒學訓導歲貢生 馮廣彥

候選儒學訓導歲貢生 柯在培

候選儒學訓導歲貢生 丁拔

候選儒學訓導歲貢生 歐咏萃

揀選知縣甲子科舉人 歐陽淑

郡庠生 歐陽霽

郡庠生 曾光珮

邑庠生 楊凝露

彙校

候選儒學教諭拔貢生 曾光瑩

邑優增生 劉開元

郡增生 劉運亨

監生 王日曜

監生 計樹仁

邑優增生 張日鶴

郡優廩生 高利賓

童生 歐筆熊

候選儒學訓導歲貢生 歐咏謝

邑 庠 生 扶永清

分校

揀選知縣丙子科舉人 高炳馴

候選直隸州州判拔貢生 何一畧

邑 增 生 陳林森

郡 庠 生 黃圖銘

邑 優 廩 生 汪廷翰

郡 廩 生 丁芬

廩 貢 生 曾宗一

郡 庠 生 徐虛靈

候選儒學訓導歲貢生 馮開泰

候選儒學訓導歲貢生 曾推

郡 庠 生 曾樹林

邑 庠 生 朱蘭秀

邑 增 生 項兆榮

邑 增 生 何櫟

邑

廩

生

饒森

郡

庠

生

凌家駿

監

生

何士誥

郡

廩

生

何一德

邑

庠

生

高攀桂

邑

廩

生

方凌翰

邑

廩

生

歐鳴球

郡

廩

生

王範

邑

廩

生

陳元福

監

生

歐禮和

邑

庠

生

時其泰

經理

候選布理問監貢

生

丁世馥

貢

生

歐光典

監

生

葛松

貢

生

時步瀛

邑

庠

生

張鳳文

監

生

李茂

泰閣

欽賜國子監學正原任建昌府訓導

歐陽整

候選儒學訓導歲貢生

柯選琴

繪圖

附

貢

生

田芝

督梓

彭

澤

縣

巡

檢

陳漢九

彭

澤

縣

典

史

郭錡

覆閣

揀選知縣丙子科舉人

朱榮桂

凡例總要

周禮誦訓掌道方志外史掌四方之志郡邑有志古矣夫志記也一邑之事物皆載焉體與史通先綱後目一綱之中又繫數目從其類也彭志丙子吳何二公修本用意矜慎考訂詳核足備徵信顧今六十餘年歲月屢遷勢事各異自星野方輿山川建置學校典禮以至人物藝文雜記之屬有無興廢補漏增新其綱其目皆共參酌商訂衷于一是以爲發凡起例之端便觀者備覽焉一縣志由來已久近日可見者惟王吳二志茲於舊志之當因者因之當更者更之繁者裁之缺者補之固不敢掩蓋前美亦不徒因仍舊規

一舊志分表志傳錄記一書之中似不必各分體例茲統列爲志分十二綱其中細目各以類從庶體例歸於畫

一

一舊志首沿革次秩官次選舉次方輿叙次未免倒置茲首紀星野而以沿革併入方輿秩官選舉皆以次列

一舊志星野載入方輿考史記漢書天官書天文志與地理郡國志皆各爲一條茲以星野獨爲一綱而以方輿次之亦仿史漢遺意

一舊志封爵秩官分爲志表但分茅治縣分雖殊而地則

一茲合爲爵秩志前載封爵後叙秩官

一舊志名循邦賢與節烈合爲列傳但男女究應區別茲

分爲列傳志列女志以厚別也

一舊志以僑寓附名循邦賢之末但名人寄跡與服官生長此邦者不同茲另歸雜記雪泥鴻爪未始不藉以流

傳

一舊志詩文有一題而載於古蹟之下入於藝文之中者披閱每費搜尋茲統歸藝文志至於學校津梁碑記及古蹟石刻仍載本條下

一編輯藝文必於志乘有關如有前賢著作名宦題咏及本邑先達佳篇舊志已載者仍之其遺載與復採者斟酌補登若現在之人雖鴻章鉅什概不敢錄

一人物載入郡志者先經採訪查實舉報由學送縣申詳

府憲裁定發局茲仍遵 府憲嚴實之意除另列武功傳外悉照郡志

一舊志有遺漏之科名仕宦必有確據方與補載

一節烈最關風化潛德必待闡揚蓋同一節烈而事勢各殊若徒紀姓氏年歲何足以發幽潛茲於已 旌與未旌者各爲小傳紀其行實或青年立節或皓首完貞或貧而益堅或死而不渝槩行闡揚其有郡志遺載者亦皆據實補錄

一學田及書院考棚產業逐一分晰詳載至於津梁義渡寺觀有捐置田產亦分別註記共垂久遠

一橋亭道路所以利行人有獨力捐修或倡首公捐者分

別載明以彰善并爲好義者勸

一池塘陂堰已登舊志者俱經載明不敢任意更改或另有衆姓公建並無占碍者核實補登如係新開私業概不載入以杜爭訟


一正志之外統以雜記亦猶正史之有雜史於不類之中得從其類非徒以廣見聞亦足以覘博雅

一已經發刊之後如查有應補登者統歸補遺



一舉報人物事蹟勸諭各糧戶樂輸全賴採訪勸捐首事矢公矢慎方能合人情而成盛舉此次襄事諸公不憚辛勤並列芳名

彭澤縣志圖說



古者九州獻地圖職方氏掌之輜軒之使入境必繪其山川形勝此志乘之所以必首列圖也蓋文以紀其事圖以傳其形按圖而一邑之規模瞭如指掌彭邑舊圖越六十餘年今昔殊勢興廢不一重繪弁諸簡首將以脩輜軒之採云爾




縣署圖




至聖廟





舊縣狄





公祠




考棚圖



書巖擁翠




仁磯釣月




仁磯釣月


圖





觀閣流霞




柳洲凝霧




雙峯霽色




濤聲



孤柱




漁唱



藏爐山

方湖





芙蓉墩

袁海集

卷之十

三

玉洞
仙遊



饒城大雅堂陳萬邦梓

